

**ZAVOD ZDRAVSTVENOG OSIGURANJA
ZENIČKO-DOBOJSKOG KANTONA
ZENICA**

Broj: 01-30-18610/25
Zenica, 04.09.2025. godine

Na osnovu člana 26. Statuta Zavoda zdravstvenog osiguranja Zeničko-dobojskog kantona (Službene novine Zeničko-dobojskog kantona“, broj: 11/16 i 9/19) i člana 8. stav (2) Pravilnika o radu broj: 01-100-11-109/24 od 09.02.2024. godine, broj: 01-100-9-61/24 od 17.07.2024. godine, broj: 01-100-17-109/24 od 01.11.2024.godine i broj: 01-100-27-231/25 od 27.02.2025.godine, direktor Zavoda zdravstvenog osiguranja Zeničko-dobojskog kantona, donosi

**ODLUKU
o poništenju dijela Javnog oglasa za prijem radnika u radni odnos**

I

Poništava se Javni oglas za prijem radnika u radni odnos, broj: 01-30-15541/25 od 28.07.2025. godine objavljen u dnevnom listu „Dnevni avaz“, putem web stranice Zavoda zdravstvenog osiguranja Zeničko-dobojskog kantona (www.zzozedo.ba), web stranice Zeničko-dobojskog kantona (www.zdk.ba) kao i putem web stranice JU Služba za zapošljavanje Zeničko-dobojskog kantona (www.zdk-szz.ba), u dijelu koji se odnosi na radno mjesto:

„7. “Stručni saradnik za pravne poslove” – 1 (jedan) izvršilac na neodređeno vrijeme uz probni rad od 3 (tri) mjeseca”.

Ostali dio teksta Javnog oglasa za prijem radnika u radni odnos, ostaje nepromijenjen.

II

Ova Odluka stupa na snagu danom donošenja i bit će objavljena u Dnevnom listu „Dnevni avaz“, na zvaničnoj web stranici Zavoda zdravstvenog osiguranja Zeničko-dobojskog kantona, na zvaničnoj web stranici JU Sužba za zapošljavanje Zeničko-dobojskog kantona i na zvaničnoj web stranici Zeničko-dobojskog kantona.

O b r a z l o ž e n j e

Dana 28.07.2025.godine Zavod zdravstvenog osiguranja Zeničko-dobojskog kantona je raspisao Javni oglas za prijem radnika u radni odnos broj: 01-30-15541/25 koji je objavljen u dnevnom listu „Dnevni avaz“, putem web stranice Zavoda zdravstvenog osiguranja Zeničko-dobojskog kantona (www.zzozedo.ba), web stranice Zeničko-dobojskog kantona (www.zdk.ba) kao i putem web stranice JU Služba za zapošljavanje Zeničko-dobojskog kantona (www.zdk-szz.ba).

Komisija za izbor kandidata za prijem u radni odnos imenovana Rješenjem direktora Zavoda zdravstvenog osiguranja Zeničko-dobojskog kantona broj: 01-30-16566/25 od 06.08.2025. godine provela je postupak izbora kandidata za prijem u radni odnos i dostavila Izvještaj o provedenom postupku Direktor. Iz Izvještaja o provedenom postupku broj: 01-30-18592/25 od 03.09.2025.godine, vidljivo je da nijedan kandidat koji je pristupio pismenom i usmenom ispitu na poziciju pod rednim brojem 7. “Stručni saradnik za pravne poslove” – 1 (jedan) izvršilac na neodređeno vrijeme uz probni rad od 3 (tri) mjeseca nije

uvršten na Listu uspješnih kandidata, odnosno nije ispunio uslove za uvrštavanje na Listu uspješnih kandidata.

Članom 15. Procedure za provođenje postupka prijema u radni odnos u Zavodu zdravstvenog osiguranja Zeničko-dobojskog kantona broj: 01-100-11-109/24 od 09.02.2024. godine regulisano je da nakon što Komisija dostavi izvještaj o provedenom postupku kandidati se uvrštavaju na listu uspješnih kandidata ukoliko su ostvarili minimalno 30 bodova ukoliko se radi o radnom mjestu za koje je predviđeno završeno više ili visoko obrazovanje.

Članom 11. stava (5) Poslovnika o radu Komisije za prijem radnika u radni odnos broj: 02-30-16951/25 od 12.08.2025. godine regulisano je da: „Ukoliko niti jedan od prijavljenih kandidata za određeno radno mjesto ne ostvari minimalan broj bodova za uvrštavanje na listu uspješnih kandidata Komisija će dati prijedlog direktoru Zavoda da poništi javni oglas u dijelu koji se odnosi na prijem radnika u radni odnos za poziciju za koju niti jedan od prijavljenih kandidata nije ostvario dovoljan broj bodova za uvrštavanje na listu uspješnih kandidata.

Obzirom da je za uvrštavanje na listu uspješnih kandidata, kandidat trebao da osvoji minimalno 30 bodova, a iz Izvještaja broj: 01-30-18592/25 od 03.09.2025.godine, utvrđeno je da nijedan kandidat po broju ostvarenih bodova nije uvršten na listu uspješnih kandidata, za radno mjesto pod rednim brojem 7. “Stručni saradnik za pravne poslove”, te je odlučeno kao u dispozitivu.

Kandidatima koji su dostavili prijave na Javni oglas za prijem radnika u radni odnos lična dokumentacija će biti vraćena.

DOSTAVLJENO:

- 1x Dnevni list „Dnevni avaz“,
- 1x Jedinica za informatiku (web stranica),
- 1x web stranica JU Sužba za zapošljavanje Zeničko-dobojskog kantona,
- 1x web stranica Zeničko-dobojskog kantona
- 1x Direktor,
- 1x Služba za pravne i opće poslove,
- 1x a/a

